

12

75237.47/0304B

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

NOV. 27 1962



雅音會編卷之十二



哈佛大學漢和
圖書館珍藏印



羊城康麟文瑞集次

後學剡溪王純校正

下平聲

十二侵

五言絕句

正音

三問廟

戴叔倫

沅湘流不盡屈子怨何深日暮秋風起蕭蕭楓樹林

視刀環歌

劉禹錫

常恨言語淺不知人意深今朝兩相視脉脉萬重心

送朱大入秦

孟浩然

游人五陵去寶劍直千金分手脫相贈平生一片心

江行無題

錢起

斗轉月未落舟行夜已深有村知不遠風便數聲砧

春江曲

郭振

江水春沉沉上有雙竹林竹葉壞水色郎亦壞人心

貴鄉音

宮中樂

長孫佐輔

月上宮花靜烟含花樹深銀臺門已閉仙漏夜沉沉

火爐前坐

李群玉

孤燈照不寐風雨滿西林多少閑心事書灰到夜深

正聲

江行

錢起

去指龍沙路徒懸象關心夜涼無遠夢不為偶聞砧

春日歸家

李嘉祐

自覺勞鄉夢無人見客心空餘庭草色日日伴愁襟

題慈恩塔

荆叔

漢國山河在秦陵草樹深暮雲千里色無處不傷心

稻畦

鮮布畦堪數枝分水莫尋魚肥知已秀鶴沒覺初深

五言律詩

始音

夏日游山家同夏少府

駱賓王

返照下層岑物外狎招尋蘭徑薰幽佩槐庭落暗金

谷靜風聲徹山空月色深一遺樊籠累唯餘松挂心

游梵宇三學寺

王勃

杏閣披青磴瑤臺控紫岑葉齊山路狹花積野壇深
蘿幌栖禪影松門聽梵音遽忻陪妙躅延賞滌煩襟

郊園即事

烟霞春早賞松竹故年心斷山疑畫障絲潘瀉鳴琴
草徧南亭合花開北院深閑居饒酒賦隨興欲抽簪

正音

游少林寺

沈佺期

長歌遊寶地，徙倚對珠林。
鴈塔風霜古，龍池歲月深。
緝園澄夕霽，碧殿下秋陰。
歸路烟霞晚，山蟬處處吟。

南州有贈

賈至

極浦三春草，高樓萬里心。
楚山晴靄碧，湘水暮流深。
忽與朝中舊，同為澤畔吟。
停杯試北酌，還欲浹霜襟。

蘇氏別業

祖詠

別業居幽處，到來生隱心。
南山當戶牖，豐水映園林。
竹覆紅冬雪，庭昏木夕陰。
寥寥人境外，閑坐聽春禽。

留別盧象

朝來已握手，宿別更傷心。
灞水行人渡，商山驛路深。
故情君且足，謫宦我難任。
直道皆如此，誰能淚滿襟。

臨江亭

儲光羲

古木嘯寒禽，層城帶夕陰。
梁園多綠樹，楚岸盡楓林。
山際豈為險，江流長自深。
平生何以恨，天地本無心。

武陵泛舟

孟浩然

武陵川路狹，前棹入花林。
莫測幽源路，仙家信幾深。
水迴青嶂合，雲渡綠溪陰。
坐聽閑猿嘯，彌清塵外心。

送僧自吳遊蜀

隨緣忽西去何日返東林世路無期別空門不作心
人烟一飯少山雪獨行深天外獲馨夜惟聞清梵音
與諸子登峴山 孟浩然

人事有代謝往來成古今江山留勝迹我輩復登臨
水落魚梁淺天寒夢澤深羊公碑尚在讀罷一沾襟

遺響

聞笛

張巡

峒嶽試一臨虜騎附城陰不辨風塵色安知天地心
門開是月近戢苦陣雲深旦夕更樓上遙聞橫笛音

采蓮曲

戎昱

雖聽采蓮曲誰識採蓮心漾檝愛花遠回船愁浪深
烟生極浦色日落半江陰同侶憐波靜看粧墮玉簪
聽鄭五惜琴 孟浩然

阮籍推名飲清風坐竹林半酣下衫袖拂拭龍唇琴
一杯彈一曲不覺夕陽沉余意在山水聞之諧夙心

三體

七里灘

許渾

天晚日沉沉孤舟繫柳陰江村平見寺山郭遠聞砧

樹密猿聲響波澄鴈影深
榮華暫時事誰識子陵心

孤山寺

張祐

樓臺聳碧岑一徑入湖心
不雨山長潤無雲水自陰
斷橋荒蘚合空院落花深
猶憶西窓夜鐘聲出北林

尋戴處士

皇甫冉

車馬長安道誰知大隱心
蠻僧留古鏡蜀客寄新琴
曬藥竹齋暖擣茶松院深
思君一相訪殘雪似山陰

早發中嚴寺別契直上人

蒼蒼松桂陰殘月半西岑
素壁寒燈暗紅爐夜火深

厨開山鼠散鍾盡嶺猿吟
行役方如此逢師懶話心

晚至華陰

皇甫曾

臘盡促歸心行人及華陰
雲霞仙掌出松柏古祠深
野渡冰生岸寒川燒隔林
溫泉看漸近宮樹晚沉沉

寄陸睦州

許崇

下國多高趣終年半是吟
汝潮通越分部伍雜蠻音
曉郭雲藏市春山鳥護林
東遊雖未遂日日至中心

寄靈一上人

如是一是身隱

劉長卿

高僧本姓竺開士舊名林
一去春山裏千峯不可尋

新年芳草遍終日白雲深欲徇微官去懸知訝此心

題破山寺後禪院

常建

清晨入古寺初日照高林曲徑通幽處禪房花木深山光悅鳥性潭影空人心萬籟此俱寂惟聞鍾磬音

酬普選二上人

嚴維

本意宿東林因聽子賤琴遙知大小朗已斷去來心夜靜溪聲近庭寒月色深寧知塵外意定後更成吟

贈喬尊師

張鴻

長思時人識有家雲澗深性惟耽嗜酒食不破除琴

靜鼓三通齒頰湯一味參知師敢知我相引坐檀陰

送章燠下第

綦毋潛

長安渭橋路行客別時心獻賦溫泉畢無媒魏闕深黃鶯啼就馬白日暗歸林三十名未立君還惜十陰

吳明徹故壘

劉長卿

古臺搖落後秋入望鄉心野寺來人少雲峰隔水深夕陽依舊壘寒磬滿空林惆悵南朝事長江獨至今

道院

王周

白日人稀到簾垂道院深雨苔生古壁雪雀聚寒林

忘慮慮三樂消閑信五禽誰知是官府烟縷滿爐沉
送龍州樊使君

許崇

曾見中人說龍州地未深碧溪飛白鳥紅旆映清林
土產惟宜藥王租只貢金政成閑宴日誰伴使君吟

懷永樂放侍御

馬戴

石田虞芮接種柳白雲陰六閉神蹤古河流禹鑿深
樵人應滿郭仙鳥幾巢林此會偏相憶曾供雪夜吟

送客歸湘楚

張祐

無辭一杯酒昔日與君深秋色換歸鬢曙光生別心

桂花山廟冷楓樹水樓陰此路千餘里應勞楚客吟

病中

錢起

私歸人暫適扶杖徒西林風急柳溪響露寒莎徑深
一身仍白髮萬慮只丹心此意無言處高窓托素琴

送友人尉蜀

徐島

故友漢中尉請為西蜀吟人家多種橘風土愛彈琴
水向昆明闊山通大夏深理閑無別事時寄一登臨

寄契盈上人

許渾

何處是西林疎鐘復遠砧鴈來秋水濶鴉盡夕陽沉

婚嫁垂前志功名異夙心
湯師不可問江上碧雲深

正聲

贈梁州張都督

崔顥

聞君為漢將虜騎不南侵
出塞清沙漠還家拜羽林
風霜臣節苦歲月主恩深
為語西河使知子報國心

送薛良友往越州謁從叔

崔峒

辭家日已久與子分仍深
易得思鄉淚難為送別心
孤雲隨浦口幾日到山陰
遙想蘭亭下清風滿竹林

類編

和謝舍人雪後寓直

皇甫冉

禁省夜沉沉春風雪滿林
滄州歸客處青瑣侍臣心
揮翰宣鳴玉承恩在賜金
建章寒漏起更助掖垣深

寄敷水盧校書

黃滔

諫省垂清論仙曹豈久臨
雖專良史業未展直臣心
路入丹霄近家藏華岳深
還如韓吏部誰不望知音

送廬山人歸林慮山

皇甫冉

無論行遠近歸向舊烟林
寥落人家少青冥為道深
白雲長滿日芳草自知心
山色連東海相思何處尋

送元詵還江東

李端

渡江秋色重。詩興與歸心。寒路緣楓岸。家人掃橘林。
潮聲當晝起。山翠近南深。幾日華陽洞。寒花引獨尋。

李沆園林

盧綸

古巷牛羊出。重門接柳陰。閑看入竹路。自有向山心。
種藥齊幽樹。畊田到遠林。願同詞賦客。得與謝家深。

遊精舍題山房

孟浩然

誤入桃源裏。初憐竹迳深。方知仙子宅。未有世人尋。
舞鶴過閑砌。飛猿嘯密林。漸通玄妙理。深得坐忘心。

題義公禪房

孟浩然

義公習禪寂。結宇傍空林。戶外一峰秀。階前衆壑深。
夕陽連雨足。空翠落庭陰。看取蓮花淨。方知不染心。
送頭陀上人自廬山往東溪蘭若

鄭常

僧家無住着。早晚出東林。行道非真相。頭陀是苦心。
持齋山果熟。倚錫野雲深。溪寺誰相待。香花與梵音。

河岳英靈

初出濟州別城中故人

王維

微官易得罪，謫去濟川陰。
執政方持法，明君無此心。
問閻河潤上，井邑海雲深。
縱有歸來日，多愁年鬢侵。

題招隱寺絢公房

綦毋潛

開士度人久，空山花霧深。
徒知燕坐處，不見有為心。
蘭若門對壑，山家路隔林。
還言澄法性，歸去比黃金。

李集

杭州送裴大澤時赴廬州長史

西江天柱遠，東越海門深。
去割辭親戀，行憂報國心。
好風吹落日，流水引長吟。
五月披裘者，應知不取金。

送麴十少府

試發清秋興，因為吳會吟。
碧雲歛海色，流水浙江心。
我有延陵劍，君無陸賈金。
艱難此為別，惆悵一何深。

謁老君廟

老君懷聖德，靈廟肅神心。
草合人蹤斷，塵漲鳥跡深。
流沙丹竈滅，閔路紫煙沉。
獨傷千載後，空餘松柏林。

杜集

長吟

江渚翻鷗戲，官橋帶柳陰。
江飛競渡日，草見踏青心。

已發形骸累真為爛熳深賦詩數句穩不免自長吟

初冬

垂老戎衣窄歸休寒色深漁舟上急水獵火著高林
日有習池醉愁來梁甫吟干戈未偃息出處遂何心

劉九法曹鄭敦丘石門宴集

秋水清無底蕭然靜客心掾曹乘逸興鞍馬去相尋
能吏逢聯璧華筵直一金晚來橫吹好泓下亦能吟

春望

國破山河在城春草木深感時花濺淚恨別鳥驚心

烽火連三月家書抵萬金白頭搔更短渾欲不勝簪

送賈閣老出汝州

西掖梧桐樹空留一院陰艱難歸故里去住損春心
宮殿青門隔雲山紫羅深人生五馬貴莫受二毛侵

奉贈王中允維

中允聲名久如今契濶深共傳收復信不比得陳琳
病綠明主三年獨此心窮愁應有作試誦白頭吟

瞑

日下四山陰山庭嵐氣侵牛羊歸徑險鳥雀聚枝深

正枕當星劍。收書動玉琴。半扉開燭影。欲掩見清砧。

雲

罷以瞿唐會。江依白帝深。終年常起峽。每夜必通林。收穫辭霜渚。分明在夕岑。高齋非一處。秀氣豁煩襟。

寄揚五桂州譚

五嶺皆炎熱。宜人獨桂林。梅花萬里外。雪片一冬深。聞此寬相憶。為邦復好音。江邊送孫楚。遠附白頭吟。

銅餅一作

亂後碧井廢。時清瑤殿深。銅餅未失水。百丈有哀音。

側想美人意。悲一作寒。楚沉蛟龍。半缺落落猶得折。黃金

驪山

驪山絕望幸花萼。龍登臨地下無。創燭人間有賜金。門湖龍去遠。銀海鴈飛深。萬歲蓬萊長懸舊羽林。

憶鄭南砵

鄭南伏毒手。滿酒到江心。石影銜珠明。泉聲帶玉琴。風沙中。情倚雲橋憶。春隱萬里蒼。翠一作小。龍盤口。自深

示兩兒此詩前有熟食日

詩見八
庚韻下

今節成吾老他時見汝心
浮生看物變為恨與年深
長葛書難得江州涕不禁
團圓思弟妹行坐白頭吟
課小豎鋤斫舍北果林
古蔓荒穢淨訖移
病枕依茅棟荒鋤淨果林
背堂資健遠在野興清
深山雉防求敵江猿應獨吟
洩切以制雲高不去隱几身
無心

床
三首
其一

憑子與會曹將書覓土黃
蒼鼠

平居長亂後不到洛陽岑
為歷雲山問無辭荆棘深
北風黃葉下南浦白頭吟
十載江湖客茫茫逢暮心

南征

春岸桃花水雲帆楓樹林
偷生長避地適速更需襟
老病南征日君恩北望心
百年歌自若未見有知音

夏日楊長寧宅送崔侍御常正字入京探

韻得深字

醉酒揚雄宅亦堂子賤琴
不堪垂老鬢還對欲分襟
天地西江遠星辰北斗深
鳥臺俯麟閣長夏白頭吟

天此西公渝州候嚴六侍御不到先下峽
聞道乘驄發沙邊待至今不知雲雨散虛費短長吟
山帶烏蠻澗江邊白帝深船經一柱觀留眼共登臨

春日江村

五首其一

農務村村急春流岸岸深乾坤萬里眼時序百年心
茅屋還堪賦桃源自可尋艱難味生理飄泊到于今

長江

浩浩終不息乃知東極臨衆流歸海意萬國奉君心
色借瀟湘潤聲驅灩澦深未辭添霧雨接下遇衣襟

提封

提封漢天下萬國尚同心借問懸車守何如儉德臨
時徵俊乂入莫慮一作草竊犬羊侵頽戒兵猶火恩加四
海深

擣衣

亦知戍不返秋至拭清砧已近苦寒月况經長別心
寧辭擣衣倦一寄塞垣深用盡閨中力君聽空外音

野望

清秋望不極迢遞起曾陰遠水兼天淨孤城隱霧深

葉稀風更落山迥日初沉獨鶴歸何晚昏鴉已滿林。
曾惡堂
作會

望牛頭寺

牛頭見鷲林梯迤繞幽深春色浮山外天河宿殿陰
傳燈無白日布地有黃金休作狂歌老回看不住心

晴二首
其二

啼鳥爭引子鳴鶴不歸林下食遭泥去高飛恨久陰
雨聲衝塞盡日氣射江深廻首周南客馳驅魏闕心

哭李常侍
其二

一代風流盡修文地下深斯人不重見將老失知音
短日行海嶺寒山落桂林長安若箇伴猶想映貂金

白帝樓

漠漠虛無裏連連睥睨侵樓光去日遠峽影入江深
臘破思端綺春歸待一金去年梅柳意還欲攪邊心

病馬

乘爾亦已久天寒閉塞深塵中老盡力歲晚病傷心
毛骨豈殊衆馴良猶至今物微意不淺感動一沉吟

峽口
其二

時清閔失險世亂戟如林去矣英雄事荒哉割據心
蘆花留客晚楓樹坐猿深疲蕭煩親故諸侯數賜金

韓集

枯樹

老樹無枝葉風霜不復侵腹穿人可過皮剝蟻還尋
寄託惟朝菌依投絕暮禽猶堪持改火未肯但空心

五言排律

正聲

題王山村兜壁

錢起

谷口好泉石居人能陸沉牛羊上山小烟火隔雲深
一迳入溪色數家連竹陰藏虹辭晚雨驚隼落殘禽
涉趣皆流目將歸羨在林却思黃綺事辜負紫芝心
過山人所居因寄諸遺補

空谷春雲滿愚公晦跡深一隨玄豹隱幾換綠蘿陰
絕逢人稀到芳蓀我獨尋厨烟住峭壁酒氣出重林
胡蝶晴還舞黃鸝曉暫吟所思青瑣客瑤草寄幽心

寄彬州李相公

許渾

渾集附
正聲

高樓王與謝逸韻比南金不遇銷憂日埃塵誰復尋

曠懷澹得喪。失意縱登臨。彩檻浮雲迴。綺窓明月深。
虬龍壓滄海。鴛鴦思鄧林。青雲傷國器。白髮軫鄉心。
功高恩自洽。道直謗徒侵。應笑靈均恨。江畔獨行吟。

贈蕭鍊師

曾試昭陽曲。瑤齋帝自臨。紅珠絡繹帽。翠鈿束羅襟。
雙闕朝塵起。千門宿路陰。出宮幽國步。回駕軫皇心。
桂殿春空晚。椒房夜自深。急宣求故劍。冥契得遺簪。
暗記神仙傳。潛封女史箴。壺中知日永。掌上畏年侵。
莫比班家扇。寧同卓氏琴。雲車辭鳳輦。羽帔別鴛衾。

網斷魚遊藻。籠開鶴戲林。洛烟浮碧漢。嵩月上丹吟。
露草爭三秀。風篁共八音。吹笙延鶴舞。敲磬引龍吟。
旄節纖腰舉。霞杯皓腕斟。還磨照寶鏡。猶挿辟寒金。
東海人情變。南山聖壽沉。朱顏常似渥。綠髮已如尋。
養氣齊生死。留形盡古今。更求應不見。鷄犬日駸駸。

歲暮自廣江至新興往復中題峽山寺

密樹分蒼壁。長溪抱碧岑。海風聞鶴遠。潭日見魚深。
松蓋環青韻。榕根架綠陰。洞丁多斲石。蠻女半淘金。
南浦驚春至。西樓送月沉。江流不過嶺。何處寄歸心。

和李相國

巨寶珍吳果馴雛重越禽摘來魚浦上攜在兔園陰
霜合凝丹頰風披歛素襟刀分瓊液散籠蔽雪華深
虎帳齋中設龍樓洛下吟含消兼受彩應貴家卿心

送李太守赴上洛

王維

南山包楚鄧積翠靄沉沉驛路飛泉洒闕門落照深
野花開古戍行客響空林板屋春多雨山城晝欲陰
丹泉通號畧白羽抵荆岑若見西山爽應知黃綺心

類編

春日奉獻聖壽無疆詞十首其九

楊巨源

日上蒼龍闕香含紫禁林晴光五雲疊春色九天深
賞叶元和德文垂雅頌音景雲隨御輦顯氣在宸襟
永保無疆壽長懷不戰心聖朝多慶澤樹粉墻陰
和許給事夜直

張九齡

未央鐘漏晚仙宇藹沉沉武衛千廬合嚴扃萬戶深
樹搖金掌露庭接玉樓陰左掖知天近南軒見月臨
聲華大國寶夙夜近臣心逸興乘高閣雄飛在禁林

李集

送紀秀才遊越

海水不滿眼觀濤難稱心即知蓬萊石却是巨鰲背
送爾遊華頂令余發寫吟仙人居射的道士住山陰
禹穴尋溪入雲門隔嶺深綠蘿秋月夜相憶在鳴琴

杜集

送嚴侍郎到綿州同登杜使君江樓宴得

心字

野興每難盡江樓延賞心歸朝送使鄴落景借登臨

稍稍煙集渚微微風動襟重船依淺瀨輕鳥度層陰
檻峻背幽谷窓虛交茂林燈光散遠近月彩靜高深
城擁朝來客天橫醉後岑窮途衰謝意苦調短長吟
此會共能幾諸孫賢至今不勞朱戶閉自待白河沉

贈裴南部聞袁判官自來欲有按問

塵滿采蕪甑堂橫單父琴人皆知飲水公輩不偷金
梁獄書應作秦臺鏡欲臨獨醒時所嫉羣小謗能深
即出黃沙在應湏白髮侵使君傳舊德已見直繩心

西閣

其二首

巫山小搖落碧色見松林百鳥各相命孤雲無自心
層軒俯江壁要路亦高深朱紱猶紗帽新詩近玉琴
功名不早立衰疾謝知音哀世非王粲終然學越吟

風疾舟中伏枕書懷呈湖南親友三十六

韻

軒轅休製律虞舜罷強 尚錯雄鳴管猶傷半死心

聖賢名古邈羈旅病年 舟泊常依震湖平早見參

如聞馬融笛若倚仲宣襟 故國悲寒望群雲慘歲陰

水鄉霾白蚤楓岸疊青岑 鬱鬱冬炎瘴濛濛雨帶淫

豉迎方祭鬼彈落似鴉禽興盡纔無悶愁來遽不禁

生涯相汨沒時物正蕭森疑惑尊中弩淹留冠上簪

牽裾驚魏帝投閣為劉歆狂走終奚適微才謝肝欽

吾安慕不糝汝貴玉為琛鳥几重重縛鷄衣寸寸針

哀傷同庾信述作異陳琳十暑眠山葛三霜楚戶砧

叨陪錦帳坐久訪白頭吟反樸時難遇忘機陸易沉

應過糝粒食得近四知金春草封歸恨源花費獨尋

轉蓬憂悄悄行藥病泔泔瘞天追潘岳持危覓鄧林

蹉跎翻學步感激在知音却假蘇張舌高誇周宋鐔

納流迷浩汗峻址得歎峯城府開清旭松筠起碧潯
披顏爭倩倩逸足競駸駸朗鑒存愚直皇天實照臨
公孫仍恃險侯景未生擒書信中原開工戈北斗深
畏人千里井問俗九州箴戢血流依舊軍聲動至今
葛洪尸定解許靖方難任家事舟砂訣無成涕作霖
七言絕句

正音

嫦娥

李義山

雲母屏風燭影深長河暫落曉星沉嫦娥應悔偷靈

等聖海青天夜夜心

題張主人壁

張謂

世人結交須黃金黃金不多交不深縱令然諾暫相
許終是悠悠行路心

遺響

東隣美女歌

宋濟

花暖江城斜日陰鷺啼繡戶曉雲深春風不道珠簾
隔傳得歌聲與客心

華師

李商隱

孤鶴不睡雲無心
衲衣筇杖來西林
院門畫鎖回廊
靜秋日當階
掃葉陰

宮鳥栖

趙嘏

宮鳥栖處玉樓深
微月生簷夜夜心
香輦不回花自
發春來空帶碎寒金

選唐

宮詞

王涯

林門烟起紫沉沉
樓閣當中複道深
長到暮天疑不
散掖庭宮裏動秋砧

河岳英靈

聽人流水調子

王昌齡

孤舟微月對楓林
分付鳴箏與客心
嶺色千重萬重
雨斷絃收與淚痕深

類編

江南

元稹

千里楓林烟雨深
無朝無暮有猿吟
停撓靜聽曲中
意好是雲山韶濩音

正聲

秋夜送趙列歸襄陽

錢起

斗酒忘言良夜深，紅萱露滴鵲驚林。
欲知別後思今夕，漢水東流是寸心。

江上送客

李端

故人南去漢江陰，秋雨蕭蕭夢澤深。
江上見人應下淚，由來遠客易傷心。

寄遠

趙嘏

禁鐘聲盡見孤禽，閑塞迢迢故國心。
無限春愁莫相問，落花流水恨更深。

杜集

憑何十一少府邕覓楹木數百栽

草堂暫西無樹林，非子誰復見幽心。
飽聞楹木三年大，與致溪邊十畝陰。

解悶十二首
其七

陶冶性靈存底物，新詩改罷自長吟。
孰知二謝將能事，頗學陰何若用心。

韓集

早春呈水部張十八員外

莫道官忙身老大，即無年少逐春心。
憑君先到江頭看，柳色如今深又深。

七言律詩

正音

題濬公山池

李傾

遠公遁跡廬山岑，開山幽居極樹林。
片石孤峯窺色相，清池白石照禪心。
指揮如音天花落，坐卧閑房春草深。
此外俗塵都不染，惟餘玄度得相尋。

贈闕下斐舍人

錢起

二月黃鸝飛上林，春城紫禁曉陰陰。
長樂鍾聲花外盡，龍池柳色雨中深。
陽和不散窮途恨，霄漢常懸捧日心。
獻賦十年猶未遇，休將短髮對華簪。

酌李端野寺病居見寄

盧綸

野寺昏鍾山色陰，亂藤高竹水聲深。
農夫就餉還依草，野雉驚飛不過林。
齋沐暫思同靜室，清羸已覺助推心。
寂寞日長誰問疾，料君惟取古方尋。

凌歊臺送高秀才

許渾

雲起高臺月未沉，數村殘照半巖陰。
野蠶成繭桑柘

盡溪鳥引雛蒲稗深。帆勢依依投極浦。鍾聲杳杳隔前林。故鄉迢遞故人去。一夜月明千里心。

遺響

寫意

李商隱

燕鷺迢迢隔上林。高秋望斷正長吟。人間路有潼江險。天上山惟玉壘深。日向花間留返照。片雲城上結層陰。三年已制思鄉淚。更入新年恐不禁。

三體

病起

來鵬

春物一昨到秋深。不見紅芳與綠陰。窓下展書難久讀。池邊扶杖欲閑吟。藕穿平地生荷葉。笋過東家作竹林。在舍渾如遠鄉客。詩僧酒伴鎮相尋。

鼓吹

惜花

韓偓

皴白離情高處切。膩紅愁態靜中深。眼隨片片沿流去。恨滿枝枝被雨侵。總得苔邊猶慰意。若教泥污更傷心。臨階一盞悲春酒。明日池塘是綠陰。

過繡嶺宮

崔塗

古殿春殘綠野陰。上皇曾此駐泥金。三城帳屬景平
亭。一曲鈴闕悵望心。苑路暗迷香輦絕。繚垣秋斷草
煙深。前朝舊物東流在。猶為年年下翠岑。

送張源中丞充新羅冊立使

劉禹錫

相門才子稱華簪。持節東行捧德音。面帶霜威辭鳳
闕。口傳天語到鷄林。煙開鰲背乍尋碧。日落鯨波萬
頃金。想見扶桑受恩後。一時西拜盡傾心。

寒食同襲美訪寂上人

陸龜蒙

月樓風殿靜沉沉。披拂霜華訪道林。鳥在寒枝樓影
動。人依古堞坐禪深。明時尚隄青雲步。半夜猶追白
石吟。自是海邊鷗伴侶。不勞金盞更降心。

送秦練師歸岑公山

李群玉

仙翁歸臥翠微岑。一葉西飛月峽深。松迳定知芳草
合。玉書應念素塵侵。閑雲不繫東西影。野鶴寧知去
住心。蘭渚蒼蒼春欲暮。落花流水怨離琴。

失鶴

李遠

秋風吹却九皋禽。一片閑雲萬里心。碧落有情空棧

望瑤臺無路可追尋
來時白雪翎猶短
去日丹砂頰漸深
華表柱頭留語後
更無消息到如今

雪

胡宿

屏翳驅雲結夜陰
素花飄墜惡氛沉
色欺曹國麻衣淺
寒入荆王翠被深
天上明河銀作水
海中仙樹玉為林
日高獨擁鸚鵡裘
臥誰乞長安取酒金

憶薦福寺牡丹

十日春風隔翠岑
祇應繁蕊自成陰
樽前可要人顏玉
樹心遙知地側金花
分外三千春
渺渺銅槃十二夜

沉沉雕梁一作絳分一作絳不一作絳物一作絳之一作絳葉一作絳言一作絳簪一作絳花一作絳也一作絳
何由得一作絳空一作絳作一作絳不一作絳使一作絳
擗鼻吟

寄昭潭王中立

高絃一弄武陵深
六幕天空萬里心
吳苑歌成久
別楚峯回鴈好
歸音十千美酒
花期隔三白
暮雲思沉
莫上孤城頻送目
浮雲西北是家林

早夏

井轄接多思不禁
密垂珠箔晝沉沉
睡驚恐語頻移
枕病起蛛絲半在琴
雨徑亂花埋宿艷
月軒修竹轉

涼陰一春酒費知多少探盡囊中換賦金

次韻徐爽見寄

五兩青絲帝渥深平時何敢嘆英沉
尺澣統都來直數金寂寞死灰人也
交陰年來想見瓊枝色夕夢遺遺
偶婆婆安生意樹

嶽

寄徐拾遺

譚用之

夜竿一繫白龍吟誰和騶虞發
斷故人芳草喜難尋天枝補後日
琴野客碧雲為易
辰穩海自潮來島

喚深好向明庭拾遺事莫教玄豹老白林

丁巳重陽

司空圖

重陽未到已登臨探得黃花且獨斟
雨家山似響隔河砧亂來已失耕桑計
病後休論濟活心自賀逢時能自棄
歸鞭唯拍馬羈吟

山中

全家為我戀孤岑踏得蒼苔一迳深
地放生鹿大出寒林名應不朽輕仙骨
理到忘機近佛心昨夜山前驟風雨
晚晴獨步數溪禽

題勤尊師歷陽山居

許渾

二十知兵在羽林，中年潛識子房心。
蒼鷹出塞胡塵滅，白鶴還鄉楚水深。
春坼酒瓶浮藥氣，晚攜碁局帶松陰。
鷄籠山上雲多處，自斲黃精不可尋。

贈李伊闌

桐筏如飛不可尋，一壺雙笈嶧陽琴。
舟橫野渡寒風急，門掩荒山夜雪深。
貧笑白駒無去意，病慙黃鶴有歸心。
雲間二室勞君畫，水墨蒼蒼半壁陰。

和淮南王相公與賓僚同遊瓜州別業題

舊書齋

碧油紅旆想青衿，積雪窓前畫日吟。
巢鶴去時雲樹老，卧龍歸去石潭深。
道傍苦李猶垂實，城外甘棠已布陰。
賓御莫辭巖下醉，武丁高枕待為霖。

與張道士同訪李隱居不遇

千巖萬壑獨攜琴，知在陵陽不可尋。
去轍已平秋草遍，空齋長掩暮雲深。
霜寒橡栗留山鼠，月冷菰蒲散水禽。
唯有西隣張仲蔚，坐來同捨別離心。

寄陽陵處士

舊隱青山紫桂陰一書迢遞寄歸心謝公接上晚花
盛揚子宅前春草深吳岫雨米溪鳥浴楚江雲暗嶺
猿吟野人寧憶滄州畔會待吹噓定至音

寄殷堯藩秀才

千載功名翰墨林為從知己信沉沉青山有雪諸松
性碧落無雲稱鶴心帶月獨歸蕭寺遠翫花頻醉瘦
接深忘君一見如瓊樹空把新詩盡日吟

古意贈王常侍

楊巨源

綉紗窓北里深香風搖動鳳凰簪組紉長在佳人

手刀尺空搖寒女心欲學齊謳逐雲管還思楚練拂
霜砧東家少女常機織應念無衣雪滿林

寄題羅浮軒棘先生所居

皮日休

亂峯四百三十二欲問徵君何處尋紅翠教教警壺室
響真擅一炷石樓深山都遣負沽來酒樵客容看化
後金從此謁師知不遠求官先有葛洪心

庚寅歲新羅弘惠上人與本國同書請日
休為雷巖馬山周禪師碑將還以詩送之

三十麻衣弄渚禽豈知名字徹鷄林勸銘雖即多還

草越海還能抵萬金
鯨鬣曉掀峰正燒
鼉睛夜沒
還深三千餘字終天別
東望長韓沃瀝襟

下第書呈友人

羅鄴

清世誰能便陸沉
相逢休作憶山吟
若教仙桂在平地
更有何人肯苦心
去國漢妃還似玉
亡家石氏盡無金
且安懷抱莫惆悵
瑟瑟調高樽酒深

出關宿盤豆館對蘆葦有感

李商隱

蘆葉瀟瀟復景深
郵亭暫欲洒離襟
昔年曾是江南

客此日初為關外心
思子堂邊風自急
玉娘湖上月
應沉清聳不
行人去
一世荒城半
夜砧

秋夜旅舍寓懷

薛能

庭鎖荒蕪獨夜吟
西風吹動故山心
一秋不落半竿
客滿地月明何處砧
漁唱亂汀鷺
分鴈聲寒咽
隴雲深平生只有松
堪對露浥霜欺不
以侵

光岳英華

侍宴安樂公主庄應制

盧子濟

皇女瓊臺天漢濤
星橋月宇構山林
西羅半捲銀題

影瀑布遙侵玉砌陰，更菊香隨鷓鴣泛。笙簫聲逐鳳凰池，瑤池駐蹕思方久。碧月無雲與轉深。

類編

奉和春日幸望春宮應制

曹唐

東城結宇瞰千尋，北闕迴輿且四臨。嚴日祥烟承翠
畢，輕英柔草藉衣簪。奈向重霄雲岩近，河湄縈紆霧
壑深。謬接鸞鴻陪賞樂，還欣魚鳥逐飛沉。

八月十五夜禁中寓直寄元二校

白居易

金闕靜沉沉，此夕相思在禁林。三五夜中新月
色，二十里外故人心。渚宮東白烟波冷，浴殿西頭夕
照深。猶恐清光不同見，江陵地濕足陰陰。

金可紀婦新羅

章孝標

登唐科第語唐音，望日初生憶故林。鮫室夜眠陰火
冷，蜃樓朝泊曉霞深。風高一葉飛魚背，潮靜三山出
海心。想把文章合夷樂，蟠桃花裏醉人參。

元注園林

李端

謝家門館似山林，碧石青苔滿樹陰。乳鵲啼巢花落
老

靜鳴鳩鼓翼竹園深，枯槔轉水蕪通藥。方丈留僧更
聽琴，獨有野人箕踞慣。過君始得一長吟。

草

李淑

百花苑路易萋陰，五谷疇臚吾見侵。農父芟時嫵若
刺宮人，闔處惜如金。別離空惹三孫恨，庶釋深勞稷
唼心。綠野荒蕪好婦去，朱門閒僻少相尋。

杜集

舍弟觀赴蓋田取妻子到江陵喜寄

馬度秦山雪正深，此來肌骨苦寒侵。他鄉就我

色故國移居見客心，歡劇提挈如意舞。喜多行坐白
頭吟，巡簷索共梅花笑，冷盡踈枝半不襟。

蜀相

丞相祠堂何處尋，錦官城外柏森森。映階碧草自春
色，隔葉黃鸝空好音。三顧頻繁天下計，兩朝開濟老
臣心。出師未捷身先死，長使英雄淚滿襟。

秋興八首

玉露凋傷楓樹林，巫山巫峽氣蕭森。江間波浪蕪天
湧，塞上風雲接地陰。叢菊兩開他日淚，孤舟一繫故

困心寒衣虞虞催刀尺白帝城高急暮砧

灩澦

灩澦既沒孤根深西來水多愁太陰江天漠漠鳥雙
去風雨時時龍一吟舟人漁子歌回首估客胡商淚
滿襟寄與舟航惡年少休翻益井橫戶孟切黃金

題省中院壁

掖垣竹埤梧十尋洞門對雪常陰陰落花遊絲白日
靜鳴鳩乳鷺去春深腐儒哀晚謬通籍退食逢回遘
寸心衮職曾無一字補許身愧比雙南金

登樓

花近高樓傷客心萬方多難此登臨九江春色來一作
賦天地玉壘浮雲變古今北極朝廷終不改西山寇
盜莫相侵可憐後主還祠廟日暮聊為梁父一作吟

十三覃

五言律詩

杜集

樓上

天地空搔首頻抽白玉簪皇輿三極北身事五湖南

戀闌勞肝肺論材愧杞柁亂離難自救終是老湘潭
鷄

紀德名標五初焉度必三殊方聽有異失次曉無懸
問俗人情似克庖爾輩堪氣交亭育際巫峽漏司南

朝二首
其一

清旭楚宮南霜空萬嶺含野人特獨住雲水曉相吞
俊鷗無聲過飢鳥下食貪病身終不動搖落任江潭

韓集

送桂州嚴大夫

蒼蒼森八桂茲地在湘南江作青羅帶山如碧玉簪
戶多輪翠羽家自種黃柑遠勝登仙去飛鷺不假驂

五言排律

類編

六月十三日水亭送華陰王少府還得潭

字

岑參

亭晚人將別池涼酒未酣黃門勞夕夢仙掌引歸驂
荷葉藏魚艇藤花罨客簷殘雲收夏暑新雨帶秋嵐
失路情無適離懷思不堪賴茲庭戶裏別有小江潭

七言律詩

鼓吹

自嶺下泛鷁到清遠峽

胡曾

乘船浮鷁下韶水絕境方知在嶺南
羅薛雨餘山似黛兼葭烟盡島如藍
且遊蕭帝新松寺夜宿嫦娥舊桂潭
不為篋中書未報便來此地結茅庵

孟少府新除江南尉問風俗

郭士元

聞君作尉向江潭吳越風烟到自諳
客路尋常隨行

影人家大抵傍山嵐綠溪花木偏宜遠
避地衣冠向南惟有夜猿啼海樹思鄉望
國意難堪

晚秋過洞庭

張泌

征帆高掛酒初酣暮景離情兩不堪
千里晚霞雲夢北一州霜橘洞庭南
溪風送雨過秋寺澗石驚龍落夜潭
莫把羈魂吊湘鬼九疑愁絕鎖烟嵐

類編

送章八元秀擢第往上都應制

錢起

決勝文章戰已酣，行應辭命復才堪。
旅食不辭遊閣下，春衣未換報江南。
天邊宿鳥生歸思，關外晴山滿夕嵐。
立馬欲從何處別，都門楊柳正毵毵。

送方尊師歸嵩山

王維

仙官欲住九龍潭，毛節朱幡倚石龕。
山壓天中半天上，洞穿江底出江南。
瀑布松杉長帶雨，夕陽彩翠忽成嵐。
借問近來双白鶴，已曾衡岳送蘇耽。

十四鹽

五言絕句

杜集

絕句 其五

舍下筍穿壁，庭中藤刺簷。
地晴絲冉冉，江白草纖纖。

五言律詩

杜集

晚晴

村晚驚風度，庭幽過雨霑。
夕陽薰細草，江色挾疎簾。
書亂誰能帙，杯乾自可添。
時聞有餘論，未怪老夫潛。
巖鄭公堦下新松得霑字

弱質豈自負移根方爾暗細聲聞玉帳疎翠近珠簾
未見紫烟集虛蒙清露露何當一百丈歌一作蓋擁
高箬

送張二十參軍赴蜀州因呈楊五侍御

好去張公子通家別恨添兩行秦樹直萬點蜀山尖
御史新驄馬參軍舊紫髯皇華吾善處於汝定無嫌

入宅

三首
其一

奔峭背赤甲斷崖當白鹽客居媿遷次春酒漸多添
花亞欲移竹鳥窺新捲簾哀年不敢恨勝槩欲相兼

東津送韋諷攝閬州錄事

一本頌
無攝字

聞說江山好憐君吏隱兼寵行舟遠泛惜別酒頻添
推薦非承乏操持必去一作義去一作去他時如按縣不得慢
陶潛

七言絕句

杜集

漫興九絕

舍西柔桑葉可拈江上細麥復纖纖人生幾何春已
夏不放香醪如蜜甜

七言律詩

鼓吹

楚宮

李商隱

月姊曾聞下彩蟾，傾城消息隔重簾。
已聞珮響知腰細，更辨絃聲覺指纖。
暮雨自歸山悄悄，秋河不動夜厭厭。
王昌且在墻東住，未必金堂得免嫌。

李集

題東谿公幽居

杜陵賢人清且廉，東谿卜築歲將淹。
宅近青山同謝

眺門垂碧柳，似陶潛好鳥迎去。
歌後院飛花送酒舞前簷。
客到但知留一醉，盤中祇有水晶鹽。

十五咸

五言排律

正聲

維舟秦淮過溫州李給事宅 許渾

給事為郎日，青溪醉隱街。
水池通極浦，雪迳過高巖。
珠玉砂同棄，松筠草共芟。
帝圖憂一失，臣節耻三緘。
代有王陵慙，時無靳尚諛。
定應操直筆，寧為發空函。

霧黑連雲棧。風狂截海帆。石梯迎雨潤。沙井帶潮鹹。
蟻侵青筇杖。蠶舉白麕衫。應勞比婦夢。山路正巉巖。

雅音會編卷之十二 畢

朝舞我善坊溪。敦樂氏。董原貞邦。嘉永辛。天仰春。得之。可以傳于孫也。

